

GALESIA

Pepa Paulo ingere panzi kalo-tawana tamâta simo Galesia tâno

Galesia nde tâno tonje Rom ikatona, aku Juda tamâta rârâ simo ñinde. Paulo muŋga imo Galesia tâno itula pâri ara panzi mbwani rua (Pâri Tamâta 13:51, 18:23), kala kalo-tawana tamâta ngu pinde simo ñinde. Andeta tamâta pinde simâ sipâŋga ku silele pâri ara ipâŋga kie tonje. Kinzi siporo tu mâsi ñana taponu muli pa ñgua tukuŋa kâ nde nzâla ñana tapâŋga ilonda mbâra-mbâra lâ Maro Kindeni nao. Andeta Paulo ingere ñgua ñine panzi iporo kaika tu ñana nenda kalo-tawana nâ, ande Maro Kindeni ikai kindi piti lâ kondoma ilo. Nenda vetâŋa ara ikura tu iveta kindi tamo sondu lâ Maro Kindeni nao, ande tia.

¹ Naŋa pâri-tamâta Paulo. Kinzi tamâta ñalaŋala ñandai sipatea naŋa kala apâŋga pâri-tamâta ñga, aku tamâta tonje ñandai io naŋa ñana alâ atula pâri ara ñga. Yesu Kiriŋi aŋga Tama Maro Kindeni, inani kala muŋga ipaŋo Yesu lâ mateŋa nianzi imandi imo via kilo, kinzi rua sipatea naŋa ñana aveta wurâta ñine.

² Naŋa amo taitu kunzi tamâta pinde uru siveta wurâta kuku naŋa, kala aŋgere ñgua lâ pepa ñine tini imâ pa miki kalo-tawana tamâta kamo Galesia tâno.

³ Kinda Tamânda Maro Kindeni aŋga Maro Yesu Kirisi rua nenzi wisi-wisi wa wisi-pisi wa imâ pami. ⁴ Yesu Kirisi iveta ikura Tamânda Maro Kindeni ne pateâŋa mine, kala ipile tamwata ne via ku imâte ŋana izavaru nenda kiesaka piti lâ tininda. Iveta mine ŋana iyaute kinda piti lâ tâno ŋine ne vetâŋa potomule. ⁵ Mine nde ara ŋana kinda ma tapanea Maro Kindeni tasuka i ŋa kâki ikura zo zo. Mao.

Pâri ara taitu nâ ikeno

⁶ Opopo, naŋa ilonŋu kura tia ndo ŋana miki nemi vetâŋa kâ! Muŋgani, Maro Kindeni isarâwa pami tu kakai Yesu Kirisi ne wisi-wisi ŋinde. Andeta miki walele nâ kapu mulimi papa i, aku kamandi ŋana kapaipa kuku pâri ara kie tonŋe. ⁷ Aŋga pâri ara ŋinde nde pâri ara mao, ande tia ndô. Taitu tamâta pinde siveta ŋana sizavaru ilomi kalomi. Kinzi situ silele Yesu Kirisi ne pâri ara ŋinde ipâŋga kaŋa tonŋe. ⁸ Andeta miki kalonŋo ŋga; ambo maka warakama tâku samba ne aŋelo tonŋe tâ ma katula pâri ara pami, andeta pâri ara ŋinde ŋandai rege-rege kuku pâri ara ŋinde maka nanayoni katula pami, ande naŋa ano pa Maro Kindeni tu i ma ikai tamâta iveta mine ku itambira ilâ yââ ŋalae ne mbââ ilo, ma imo ŋinde ku imo nâ. ⁹ Maka muŋga kaporo ŋgua ndainani nâ, kala ŋine naŋa atu aporo ŋgua kaŋa taituni kilo. Tamâta pinde uru situla pâri ara tonŋe pa miki, andeta pâri ara ŋinde ŋandai rege-rege kuku pâri ara ŋinde muŋga miki kakai lâ. Mine kala naŋa ano pa Maro Kindeni tu i

ma itambiranzi tamâta ñinde silâ yââ ñalae ne mbââ ilo, ma simo ñinde ku simo nâ.

¹⁰ Naña ñandai ilongu tu kinzi tamâta ma ilonzi ara pa naña nga. Naña ilongu tu Maro Kindeni nâ ma ilo ara pa naña. Aku naña uru aporo ñgua mâru-mâru panzi tamâta, ande tia. Mao nâ, nia ndoyo naña uru aporo ñgua mâru-mâru panzi tamâta. Andeta kaloño nga; ambo vetâña ñinde ma ikeno pa naña yo, ande naña ma akura tu amo Yesu Kirisi ne wurâta tamâta mao, ande tia. Andeta apile vetâña ñinde marumbu lâ.

Paulo parina ñana muña ipânga imo pâri-tamâta

¹¹ Nîngu-nambwe wukale, naña ilongu tu miki ma kasama ñgua ñine sondo ndo; pâri ara ñinde muña atula pami, ande tamâta nâ nenzi ñgua, ande tia. ¹² Tamâta tonje ñandai itula pâri ara ñinde pa naña nga, aku tamâta tonje ñandai ipanana naña ñana nga. Yesu Kirisi tamwata itula pâri ara pa naña kala akai lâ.

¹³ Miki kaloño naña parinângu lâ, ñana vetâña rârâ muña aveta ñinde. Miki kasama tu naña muña apono muli sondo ndo pa Juda nenzi mâsi wa ñgua tukuña rârâni. Aku naña akai kazâña ñalae panzi tamâta ñinde kalonzi tawana Yesu, aku atogo ñana azavarunzi kâ.

¹⁴ Naña muña amandi kaika ndo ñana asuka timbuma nenzi vetâña rârâni kâki, aku apolenzi nawalângu Juda tamâta limoa rârâ ñana apono muli pa vetâña ñinde rârâni. ¹⁵ Taitu nia ndoyo, lâ zo ñinde naña nana ipaguguana tia yo, ande

Maro Kindeni ipatea naŋa lâ, aku ŋana i ne wisi-wisi kâ, ande isarawa naŋa tu ma apâŋga i ne pâri-tamâta. ¹⁶ Aku i ilo pateo tu ma itula tamwata natu Yesu Kirisi kilala pwataki pana, ŋana naŋa ma akura tu atula i natu parina panzi tamâta lâ tinikoa ŋgu. Aku lâ zo ŋinde Maro Kindeni itula Yesu Kirisi kilala pwataki pa naŋa, ande naŋa ŋandai alâ akasonanzi tamâta pinde tu ma sipananana ŋana pâri ara kâ. ¹⁷ Aku lâ zo ŋinde, naŋa ŋandai akâki alâ pa Jerusalem lawea ŋana aporo panzi tamâta ŋinde simuŋga pa naŋa ŋana simo pâri-tamâta. Lâ zo ndainani nâ, naŋa anŋenge ŋana Jerusalem lawea aku amandi alâ pa nia bilimu tonŋe ikeno Arebia tâno. Aku muli ŋga ataulo alâ pa Damaskus lawea kilo.

¹⁸ Mbwera ŋato ilâ lâ, ŋinenga akâki alâ pa Jerusalem lawea ŋana aveta mete kuku Petero. Andeta naŋa amo sonŋo tia; amo ndaina kuku Petero ikura sânda rua nâ. ¹⁹ Lâ zo ŋinde naŋa amo kuku Petero, ande naŋa aporo pa pâri-tamâta tonŋe, ande tia. Naporo pa Yamesi simbo nâ, ina nenda Maro Ŋalae Yesu tai. ²⁰ Kala ŋine naŋa apaimi lâ Maro Kindeni nao tu ŋgua ŋine kala anŋere lâ pepa tini, ande ŋgua mao kanaŋo. ²¹ Naŋa amo kuku Petero lee marumbu lâ, ŋinenga ataulo pa Siria tâno anŋa Silisia tâno kilo. ²² Lâ zo ŋinde, kinzi kalo-tawana tamâta lâ Yesu Kirisi ne ŋgu ŋinde simo Judia tâno, ande kinzi ŋinde sizizâla ŋana naŋa naonŋu. ²³ Taitu silonŋo nawalanzi situ naŋa parinânŋu mine tu, “Tamâta ŋinde kala muŋga iveta kie sakamao pa kindo, ande kala zo ŋine tamâtani ndaina uru

itula pâri ara ñine kinda uru kalonda tawana. Taitu munğani ikai wurâta ñana izavaru pâri ara ndainani nâ.” ²⁴ Kinzi siloño pâri ñana vetâña rârâni ñinde Maro Kindeni iveta pa naña, kala sipanea i ña.

2

Kinzi pâri-tamâta pinde sio ilonzi ilâ taitu kuku Paulo

¹ Naña amo lee, mbwera sañaŋo kanaŋo ñapa ilâ lâ. Ñineŋga maka rua Banabas rua kakâki kalâ Jerusalem lawea kilo. Aku naña akai Titi iyoka kuma tona.

² Maro Kindeni tamwata itula pa naña mine tu naña ma alâ amo Jerusalem. Aku lâ zo naña amo Jerusalem, ande naña atula pâri ara panzi, pâri ara ndainani naña uru atula panzi tamâta simo lâ tinikoa ŋgu. Andeta naña ñandai aporo ŋgua ñinde lâ tamâta rârâ naonzi ŋga. Naña tiniŋgu pwâka tu nanenğu wurâta ñana atula pâri ara kâ ma ipâŋga kaa nâ. Mine kala akainzi kalo-tawana tamâta mbâna-mbâna pinde kalâ pa nia ŋgaŋe, ñineŋga aporo ŋgua panzi. Tamâta pinde uru siporo ŋgua ñananzi kalo-tawana tamâta ñinde mine tu, “Kinzi nde poe tamâta”. ³ Titi imo kuku naña, aku i nde Grik tamwata, i Juda tamâta tia. Aku Yesu Kirisi ne kalo-tawana tamâta laŋeña pinde siporo kaika tu maka ma kave Titi karae, itogo Juda nenzi mâsi mine. Andeta maka kaveta mine tia. ⁴ Kinzi kalo-tawana tamâta laŋeña ñinde sipavea nâ ku simâ maka ŋginima. Kinzi sisama tu maka kaloma tawana Yesu Kirisi, aku kapile mâsi ñana

kapono muli pa Juda nenzi ngua tukuņa kâ, kala ilonzi tu silea pa nema vetâņa. Ngua tukuņa njinde nde itogo nimbu tonje muņa Yesu Kirisi ipalalana piti lâ tinima, andeta kinzi ilonzi tu ma sio nimbu njinde ilâ ņaana isusu maka kilo. ⁵ Andeta maka ņandai kasâu pa nenzi ngua ņaana kave Titi karae ņa. Maka kamandi kaika, aku kapu nenzi ngua rârâni njinde ndue lâ. Maka tinima pwâka tu ngua tukuņa siņa ma imâ ikai Yesu Kirisi ne pârî ara nia. I ne pârî ara njinde nde mao kanaņo, aku ņine nde ņaana isuka miki ikura zo rârâni.

⁶ Lâ zo njinde maka kapasau kunzi tamâta mbâna-mbâna njinde, ande kinzi sisenje ngua tonje lâ nanenġu ngua, ande tia. Tamâta pinde uru siporo ngua ņananzi tamâta mbâna-mbâna njinde mine tu, “Kinzi nde poe tamâta”. Andeta lâ naņa warakâņgu nâ ilonġu, ngua njinde nde kaa nâ, ņaana tu Maro Kindeni ilo ņaana tamâta ņanzi kâ, ande tia. ⁷ Kinzi tamâta mbâna-mbâna njinde ilonzi kalonzi ipâņga tu Maro Kindeni wurâta ilua naņa ņaana atula pârî ara panzi tamâta lâ tinikoa ņgu, itogo nanayoni i wurâta ilua Petero ņaana itula pârî ara panzi Juda tamâta mine. Mine kala nenzi ngua tia. ⁸ Mao nâ, Maro Kindeni walo kaika ilua Petero ņaana ma imo pârî-tamâta panzi Juda tamâta. Aku mine nâ, Maro Kindeni tamwata ne walo kaika ilua naņa ņaana amo pârî-tamâta panzi tinikoa ņgu. ⁹ Tamâta pinde uru siporo ngua ņaana Yamesi, Petero aņga Yoane mine tu, “Kinzi nde poe tamâta”. Andeta lâ zo ņaana tamâta ņato njinde ilonzi kalonzi ipâņga tu Maro Kindeni io ne wisi-

wisi imâ pa naŋa lâ, ande kinzi sitaŋo maka rua Banabas rua mbauma, aku sikaima togo ninzi-nambwe wukale mine. Ninenŋa kinzi wa maka wa kao iloma kaloma ilâ taitu, aku kapa ŋgua mine tu maka ma katula pâri ara panzi tinikoa ŋgu, aŋga kinzi ma situla pâri ara panzi Juda ŋgu. ¹⁰ Kinzi siporo ŋgua taitu nâ pa maka rua mine tu, “Maka iloma tu miki rua ma kagona mbumbu ŋana kalanzi nawalânda kalo-tawana tamâta simo sugorai lâ Jerusalem lawea, itogo miki rua muŋga kaveta mine.” Andeta nia ndoyo naŋa ilonŋu patea tu naŋa ma aveta vetâŋani ndaina.

Paulo itula Petero ne vetâŋa soki pwataki

¹¹ Andeta muli ŋga Petero imâ imo Antiok lawea ikura zo pinde, aku pa zo ŋinde naŋa amandi i tamwata nao aku ambita pâta kanaŋo, ŋana tu iveta vetâŋa soki ndo. ¹² Mao nâ, nia ndoyo iveta vetâŋa ara ŋana isaŋona ika kâpwa kunzi kalo-tawana tamâta lâ tinikoa ŋgu. Andeta muli ŋga, tamâta pinde lâ Yamesi ne ŋgu simâ sipâŋga lâ, ŋinenŋa Petero itaulo pa Juda nenzi mâsi ŋana tininzi piti ndo ŋananzi tamâta lâ tinikoa ŋgu. I ne vetâŋa ŋinde nde duvi mine; iruru ŋananzi kalo-tawana tamâta ŋgu ŋinde uru sipaveta kuku Juda nenzi vetâŋa rârâni. ¹³ Aku kinzi Juda ŋgu kalo-tawana tamâta rârâni kala sipono muli pa Petero ne vetâŋa laŋeŋa ŋinde. Ninenŋa sisowe Banabas ilo kalo, ande kala iveta vetâŋa laŋeŋa ndainani nâ kunzi tona.

¹⁴ Naŋa amora tu kinzi ŋandai sipono muli sondo pa pâri ara ne ŋgua ŋga. Tia ku naŋa

amandi kinzi rârâni naonzi aku apai Petero tu, “Noko nde Juda tamwata, andeta kupile Juda nenzi vetâŋa ku kupaveta kuku tinikoa ŋgu nenzi vetâŋa. Mine nde ŋana sâ kê ŋga noko kuporo kaika panzi tamâta lâ tinikoa ŋgu tu ma sipaveta kuku Juda nenzi vetâŋa, a?”

Ambo tamâta tonje kalo tawana Yesu, ande ipâŋga tamâta sondo ndo lâ Maro Kindeni nao

¹⁵ Ninenŋa naŋa apai Petero tu, “Kinda tinânda sipagugua kinda tapâŋga Juda laluna. Mine kala kinda ŋandai tamo tatogonzi ‘kiesaka tamwatanzi’ lâ tinikoa ŋgu. ¹⁶ Aku kinda tasama tu ambo tamâta tonje ikai wurâta ŋalae ŋana ipono muli pa Mose ne ŋgua tukuŋa, ande vetâŋa ŋinde ikura tu iveta i ipâŋga tamâta sondo lâ Maro Kindeni nao, ande tia. Ambo tamâta tonje kalo tawana Yesu Kirisi, ande i ne kalo-tawana ŋinde nâ ikura tu iveta i ipâŋga tamâta sondo lâ Maro Kindeni nao. Aku kinda kala mine nâ tao nenda kalo-tawana ilâ pa Yesu Kirisi lâ, ŋana tu kinda tasama ŋine; nenda kalo-tawana ŋinde iveta kinda tapâŋga tamâta sondo lâ Maro Kindeni nao. Kinda tapile nzâla ŋana toka Mose ne ŋgua tukuŋa muli, ŋana tu nzâla ŋinde ikura tu iveta tamâta tonje ipâŋga tamâta sondo lâ Maro Kindeni nao, ande tia ndo.

¹⁷ Kinda nenda kalo-tawana ikeno pa Kirisi, aku ilonda tu kalo-tawana ŋinde iveta kinda tapâŋga tamâta sondo lâ Maro Kindeni nao. Aku lâ zo ŋana kinda tapile nzâla ŋana toka Mose ne ŋgua tukuŋa muli, ande lâ ŋgua tukuŋa nao kinda tapâŋga tatogonzi kiesaka tamwatanzi lâ

tinikoa ngu mine. Mine kala ma taporo mana; tiambo ma taporo tu 'Kirisi tamwata ilo tu iveta kiesaka ipânga n̄alae', tiya? Tia ndo kanojo!
¹⁸ Ambo nana ma apile nzâla nana ayoka Mose ne ngua tukuja muli, andeta muli nga nana ma apono muli pa nzâlani ndaina kilo, ande vetânga n̄inde ma itula pwataki tu nana nde kiesaka tamwatângu. ¹⁹ Nana tu Mose ne ngua tukuja io nana lâ nzâla n̄inde ilâ pa mateja kâ. Andeta nana ilongu tu aveta ikura Maro Kindeni ne pateânga mine, kala apile nzâla n̄inde marumbu lâ.

²⁰ N̄inde itogo nana amâte lâ kâi popole tini kuku Kirisi. Taitu kala n̄ine akai via wasaseki lâ. Nana munga akai poe pa warakângu nenju via, andeta kala n̄ine Kirisi imo ilongu, aku uru ikai poe pa nana. Kala n̄ine nana kalongu tawana Maro Kindeni Natu, inani tini mwasa ndo pa nana kala ipile tamwata ne via ku imâte nana ikai nana piti lâ kondoma ilo. Aku nanenju kalotawana n̄ine uru igagati nana ilongu kalongu nana aveta vetânga ara lâ tâno kulu.

²¹ Nana tiningu pwâka tu aveta Maro Kindeni ne wisi-wisi ipânga itogo kelekele kaa nâ mine. Kulojo nga; ambo Mose ne ngua tukuja ikura nana iveta kinda tapânga ilonda mbâra-mbâra lâ Maro Kindeni nao, ande Kirisi imâte koa tia nâ. Andeta tia." Nana Paulo aporo ngua mine pa Petero.

3

Mâsi nana toka ngua tukuja muli kâ, anga mâsi nana kalonda tawana Yesu Kirisi kâ

¹ Miki Galesia tamâta ilomi kalomi sondo tia ndo! Tamâta ea iyaula nemi ilo-kalo, a? Naŋa muŋga atula Yesu parina pwataki pami lâ. Mine kala itogo miki warakami kamora Yesu itâra lâ kâi popole tini imâte.

² Naŋa atu akasonami kasonŋa taitu nâ. Miki muŋga kaveta vetâŋa ndia ŋinenŋa Koroani Sapâŋa imâ ilomi, a? Tiambo miki kapaveta kuku ŋgua tukuŋa lâ, ŋinenŋa kakai Koroani Sapâŋa, tiya? Tia ndo! Miki kaloŋo Yesu ne pâri ara aku kalomi tawana lâ, aku kalo-tawana ŋinde nâ ikai nzâla piti pa Koroani Sapâŋa tu imâ pami. ³ Miki nde kapa ndo! Nia ndoyo, lâ zo ŋinde nemi kalo-tawana ipâŋga wasaseki, ande Koroani Sapâŋa ne kaika uru isukami. Aŋga lâ zo ŋine miki katu warakami nemi kaika ikura tu isuka nemi via lâ tâno kulu, a? ⁴ Malia pinde nde imâ ipâŋga pami lâ; tiambo malia ŋinde isukami tia, a? Taitu nanenŋu morâŋa tu malia ŋinde nde isukami lâ. ⁵ Mao nâ, Maro Kindeni ne Koroani Sapâŋa ilua miki lâ, aku uru iveta mâsi kaika râra ipâŋga ŋginimi. Tiambo Maro Kindeni imora tu miki uru kapaveta kuku Mose ne ŋgua tukuŋa, aku ŋana duvi ŋinde kâ iveta kie ara ŋinde pami, tiya? Tia ndo! Miki kaloŋo pâri ara aku kalomi tawana, aku ŋana duvi ŋinde kâ iveta mine pami.

⁶ Miki kalomi ŋgere sondo ŋana Abraham kâ. Maro Kindeni kawa ŋgua ikeno lâ pepa tini mine tu,

“Abraham kalo tawana Maro Kindeni, aku ŋana i ne kalo-tawana ŋinde kâ, ande ipâŋga ilo mbâra-mbâra lâ Maro Kindeni nao.”

7 Mine nde kalonjo nga; tamâta ea kalonzi tawana Yesu Kirisi, kinzi njinde sipânga sitogo Abraham ne vâsa mao. 8 Nia ndoyo Maro Kindeni ilo patea tu tamâta pinde lâ tinikoa ngu ma kalonzi tawana i, aku nenzi kalo-tawana njinde ma ivetanzi sipânga tamâta sondo lâ i nao. Mine kala nanayoni Maro Kindeni itula pâri ara pa Abraham mine tu,

“ ‘Noko kalo tawana naŋa lâ, aku ŋana duvi njinde kâ naŋa ma aveta kenju ara ndo panzi tamâta rârâni simo tâno ndoni.”

9 Mine nde Maro Kindeni iveta kie ara nâ panzi tamâta ea kalonzi tawana i, itogo muŋga iveta pa Abraham, ina tamâta ŋana kalo-tawana mao kâ.

10 Taitu tamâta ea ilonzi tu nzâla ŋana soka Mose ne ŋgua tukuŋa muli nde nzâla ŋana sipânga tamâta sondo lâ Maro Kindeni nao, ande Maro Kindeni ma izavarunzi tamâta njinde. Ŋana tu i kawa ŋgua ikeno lâ pepa tini mine tu, “ ‘Mose ingere ŋgua tukuŋa lâ pepa tini ikeno lâ. Ambo tamâta tonje ŋandai ipaveta mao kuku ŋgua tukuŋa njinde rârâni taitu-taitu ikura zo rârâni, ande Maro Kindeni ma izavaru tamâta njinde.”

11 Aku Maro Kindeni kawa ŋgua tonje kala ikeno lâ pepa tini mine tu,

“ ‘Tamâta ea kalonzi tawana Maro Kindeni, ande kinzi tamâta njinde simo ilonzi mbârambâra lâ i nao, aku sikai via mao.”

Ŋgua njinde itula pwataki pa kinda tu ambo tamâta tonje itu ipono muli pa Mose ne ŋgua tukuŋa, ande i ne vetâŋa njinde ikura tu iveta i

ipângga tamâta sondo lâ Maro Kindeni nao, ande tia. ¹² Nana tu mâsi nana taponu muli pa Mose ne ngua tukuña kâ, ande ikeno piti ndo nana kalo-tawana ne mâsi. Maro Kindeni kawa ngua ikeno lâ pepa tini mine tu, “Tamâta ea uru ipono muli mao pa ngua tukuña rârâni ikura zo rârâni, ande tamâta nînde ma ikai via mao.” Andeta tamâta tonje ikura tu iveta mine, ande tia.

¹³ Andeta Kirisi ikai kindi niânda, aku Maro Kindeni izavaru i ndo lâ. Vetâña nînde ne duvi nde mine; Maro Kindeni kawa ngua ikeno lâ pepa tini mine tu, “Maro Kindeni ma izavaru tamâta ea itâra lâ kâi popole tini”. Aku nana Kirisi ne vetâña nînde kâ, ande iyaute kindi piti lâ ngua tukuña ne zavaruña. ¹⁴ Muŋgani Maro Kindeni ipa ngua kuku Abraham tu i ma iveta vetâña ara tonje. Aku Yesu Kirisi ne mateña ikai nzâla piti panzi tamâta lâ tinikoa ngu nana vetâña ara nînde ma ilâ pa kinzi tona. Mine kala nana nenda kalo-tawana kâ, ande kindi takura tu takai Koroani Sapâña lâ ilonda, ikura Maro Kindeni ne ngua pânja mine.

Mose ne ngua tukuña nandai isoki ngua pânja Maro Kindeni iveta kuku Abraham nînde piti nja

¹⁵ Niŋgu-nambwe wukale, kala nîne nana ma aporo ngua nana kindi tamâta nenda mâsi tonje. Ambo tamâta rua ma siŋgere ngua lâ pepa tini nana vetâña tonje ilonzi pateu tu ma siveta, ande nenzi ngua nînde ipângga itogo ngua pânja kaika mwasina, aku tamâta tonje ikura tu itoto nenzi ngua nînde tâku isenje ngua tonje ilâ kuku ngua nînde tâ, ande tia. ¹⁶ Nanayoni,

Maro Kindeni ipa ngua kuku Abraham tava i ne vâsa, ñana i ma muli iveta kie ara panzi. Maro Kindeni ne ngua pânja ñinde nde ikeno lâ pepa tini tamora lâ. Maro Kindeni ipai Abraham mine tu, “Naña ma aveta kenġu ara papa noko ne vâsa.” I ñandai iporo tu, “Naña ma aveta kenġu ara panzi noko ne vâsa kinzi”, ande tia. Mine kala kinda tasama tu Maro Kindeni ñandai iporo ñananzi tamâta rârâ ñga. Iporo ñana tamâta taitu nâ, ina kala Kirisi.

¹⁷ Nanenġu ngua ñine ne duvi ande mine; nia ndoyo Maro Kindeni ipa ngua ndainani nâ kuku Abraham. Simo lee, aku mbwera 430 ilâ lâ, ñinenġa Maro Kindeni itula ngua tukuña pa Mose. Ngua tukuña nde ipânġa muli, taitu tukuña ñinde ikura ñana itoto Maro Kindeni ne ngua pânja muñġaña ñinde ku iveta ipânġa kaa nâ, ande ikura tia. ¹⁸ Ambo mâsi ñana taponu muli pa tukuña kâ ikura tu igagati Maro Kindeni ñana iveta kie ara pa kinda, ande i ne ngua pânja muñġaña ñinde nde ipânġa itogo kelekele kaa nâ. Andeta tia. Kinda tasama tu Maro Kindeni muñġani ipa ngua tu ma iveta kie ara pa Abraham, aku ñana i ne ngua pânja ñinde nâ, ande iveta vetâña ndainani papa i.

¹⁹ Ambo mine, ande Maro Kindeni itula ngua tukuña pa Mose ñana duvi mana, a? Ñinde nde duvi mine; Maro Kindeni ilo tu tamâta rârâni ma sisama sondu tu kinzi nde kiesaka tamwatanzi. Mine kala iveta ne ngua pânja muñġa lâ, ñinenġa itula tukuña pa Mose tona ñana i ma itula panzi tamâta. I ipatea tu kinzi Juda tamâta ma siponu muli pa tukuña

ņinde lee, ikura lâ zo ņinde Abraham ne Vâsa ma imâ ipâŋga, inani kala tamâta ņinde Maro Kindeni ne ņgua pâņa iporo ņana. Taitu kaloņo ņga; Maro Kindeni tamwata ņandai itula tukuņa ņinde panzi tamâta ņga. Itula ņinde panzi aņelo, ņinenņa kinzi kala situla papa kuleņa tamâta Mose. ²⁰ Andeta Maro Kindeni ne ņgua pâņa nde kelekele ņalae tina, ipole ne ņgua tukuņa, ņana tu Maro Kindeni tamwata iveta ņgua pâņa ņinde kuku Abraham. Tamâta tonĝe ikai ņgua ņinde ku ilâ itula pa Abraham, ande tia.

ņgua tukuņa ne wurâta nde ņana ikai kinda talâ pa Kirisi

²¹ Mine kala Mose ne ņgua tukuņa uru ikai kazâņa pa Maro Kindeni ne ņgua pâņa rârâni, tiya? Tia ndo kanaņo! Ambo Maro Kindeni muņa itu tukuņa kie tonĝe panzi tamâta, aku tukuņa ņinde ikura tu via mao ilanzi, ande tamâta ea sipono muli pa tukuņa ņinde ma sipâņa ilonzi mbâra-mbâra lâ Maro Kindeni nao. ²² Andeta tia. Maro Kindeni kawa ņgua ikeno lâ pepa tini mine tu, “Kiesaka nde itogo wâlo kaika mine ilitanzi tamâta rârâni marumbu lâ.” Mine kala Maro Kindeni iveta kie ara panzi tamâta ņinde uru kalonzi tawana Yesu Kirisi, ikura muņa ipa ņgua tu ma iveta mine.

²³ Muņgani, lâ zo ņinde nzâla ipâŋga tia yo ņana kinda takura tu kalonda tawana Yesu Kirisi, ande Mose ne ņgua tukuņa ipa wâlo kaika lâ tininda. Kinda tamo mine lee, ikura lâ zo ņinde kalo-tawana ne nzâla ipâŋga nia yo lâ.

²⁴ Mine kala ņgua tukuņa imo itogo nenda koipu

mungâŋa mwasina, aku ne wurâta nde ŋana ikai kinda talâ pa Kirisi. Mine kala ŋana nenda kalo tawana kê, ande kinda tapâŋga tamâta sondo lâ Maro Kindeni nao.

²⁵ Anŋa lâ zo ŋine, ande ŋgua tukuŋa imo nenda koipu kilo, ande tia, ŋana tu kalo-tawana ne nzâla nde imâ ipâŋga lâ.

Kinda nenda kalo-tawana iveta kinda tapâŋga Maro Kindeni natu wukale

²⁶ Miki kalomi tawana Yesu Kirisi, aku ŋana kalo-tawana ŋinde kê Maro Kindeni iveta miki rârâni kapâŋga i natu wukale lâ. ²⁷ Munŋa, lâ zo ŋinde miki kakai lâ-liliŋa, ande miki kapaipa lâ taitu kuku Kirisi. Kala ŋine Kirisi kilala itura miki ndo lâ, itogo nemi pasawaŋa mwasina. ²⁸ Mine kala miki Juda tamâta wa miki tamâta lâ tinikoa ŋgu wa; miki tamâta uru kaveta wurâta koa tia nâ wa miki tamâta kamo ara wa; miki tamâne wa miki taine wa; miki rârâni kaloŋo ŋga. Lâ Maro Kindeni nao, ande miki rârâni kamo rege-rege nâ, ŋana tu miki kapaipa kuku Yesu Kirisi lâ, kala kamo ŋgu taitu. ²⁹ Miki kamo Yesu Kirisi ne ŋgu. Mine kala miki kamo Abraham ne vâsa tona, aku Maro Kindeni ma iveta kie ara ndainani nâ pa miki, ikura munŋa ipa ŋgua tu ma iveta pa Abraham mine.

4

Yesu Kirisi ipalalana ŋgua tukuŋa ne nimbu piti lâ tininda

¹ Miki kalomi ŋgere ŋananzi lâlu kiri-kiri. Muli ŋga lâlu ŋinde ma sikai tamanzi nenzi tâno

wa kelekele ndoni. Andeta lâ zo ɲana kinzi simo lâlu kiri-kiri yo, ande kinzi simo rege-rege nâ kunzi tamanzi nenzi wurâta tamâta, kinzi ɲinde uru siveta wurâta koa tia nâ. ² Tamâta pinde uru sikai poe panzi lâlu kiri-kiri ɲinde, aku uru sikatona nenzi kelekele tona. Kinzi siveta mine lee, ikura lâ zo ndia tamanzi sipatea tu natunzi ɲinde ma sikai nenzi kelekele rârâni ɲinde. ³ Aku kinda kala tamo mine nâ. Muɲga, lâ zo ɲinde tamo tatogonzi lâlu kiri-kiri mine, ande ɲgua tukuɲa kiri-kiri ɲana tâno ɲine ne vetâɲa kaa kaa nâ uru ikai poe kaika pa kinda.

⁴ Kinda tamo mine lee, ɲineɲga zo ipâɲga lâ, ikura Maro Kindeni ne pateâɲa mine. Aku lâ zoni ndaina, Maro Kindeni isupwa i tamwata Natu indue imâ imo tâno kulu. Ipâɲga tamâta mao, aku uru imo Mose ne ɲgua tukuɲa kalo. ⁵ I imâ ɲana ipalalana ɲgua tukuɲa ne nimbu piti lâ tamâta tininzi, ɲana kinda rârâni ma tapâɲga tamo Maro Kindeni natu wukale.

⁶ Maro Kindeni isupwa i Natu ne Koroani imâ imo ilonda lâ, aku vetâɲa ɲinde itula pwataki tu miki kamo Maro Kindeni natu wukale. Aku Koroani Sapâɲa ɲinde uru ipaɲo ilonda kalonda kala tata pa Maro Kindeni tu, “Mama, Mama”. ⁷ Mine kala ɲgua tukuɲa ma ikai poe kaika pa miki kilo, ande tia. Miki taitu-taitu kamo Maro Kindeni natu wukale. Mao nâ, miki nde Maro Kindeni natu wukale. Mine kala Maro Kindeni ma iveta kie ara pa miki taitu-taitu, itogo muɲga ipa ɲgua tu ma iveta panzi i natu wukale mine.

Paulo kalo loko ɲalae ɲananzi Galesia kalo-tawana tamâta

⁸ Muṅga, miki ṅandai kasama Maro Kindeni kilala sondo ṅga. Mine kala lâ zo muṅgâṅa ṅinde miki kamo tamâta ṅana kaveta wurâta koa tia nâ panzi maro pinde. Andeta maro ṅinde nde maro laṅeṅa nâ. ⁹ Taitu kala ṅine miki kapaipa kuku Maro Kindeni marumbu lâ. Andeta nanenṅu ṅgua ṅine nde sondo tia, ṅana tu Maro Kindeni ipaipa kuku miki. Mine nde ṅana sâ kâ ṅga miki ilomi tu kaponu muli kilo papa ṅgua tukuṅa kiri-kiri ṅana tâno ṅine ne vetâṅa kaa kaa, a? ṅana sâ kâ ṅga ilomi tu kelekele sugorai ma ikai poe kaika pami kilo, a?

¹⁰ Opopo, miki uru kapaveta kuku Juda nenzi ṅgua tukuṅa kiri-kiri ṅana zo sapâṅa kie-kie wa kâṅa-nuṅa ne zo kie-kie wa, aku miki katu vetâṅa mine ma ivetami kapâṅga tamâta sondo lâ Maro Kindeni nao. ¹¹ Naṅa kalonṅu loko ṅalae tina ṅana miki kâ! Tiambo nanenṅu wurâta râranî muṅga aveta ṅana avilami kâ nde ilâ kaa nâ, a?

¹² Niṅgu-nambwe wukale, muṅga, lâ zo ṅinde naṅa amo kumi, ande miki wa naṅa wa kalonda tawana tu ṅgua tukuṅa ṅandai ikura tu iveta kinda tapâṅga tamâta sondo lâ Maro Kindeni nao. Naṅa ano pami tu miki ma kakai ṅgua tukuṅa ne wâlo piti lâ tinimi kilo, ṅana miki ma kamo ara, itogo naṅa uru amo mine. Muṅga, miki ṅandai kaveta vetâṅa soki tonṅe papa naṅa ṅga. ¹³ Kalomi ṅgere sondo ṅga; nia ndoyo, naṅa amo kuku miki tia yo. Niṅenṅa pukonṅa ikai naṅa, aku pukonṅa ṅinde ikai nzâla piti pana tu ma amâ atula pâri ara pami. ¹⁴ Lâ zo ṅinde, nanenṅu pukonṅa ṅinde iveta malia ṅalae ndo

pami. Taitu miki n̄andai kapu mulimi papa nāna n̄ga, aku miki n̄andai kasoki nāna n̄ga. Miki kaveta vet̄āna ara ndo pana, itogo vet̄āna ndia miki ma kaveta pa Maro Kindeni ne ānelo ton̄ge tâku Kirisi tamwata tâku.

¹⁵ Lâ zo n̄inde, ande miki uru ilomi ara ku kamo kandeka n̄a. Ānga lâ zo n̄ine, ande nemi ndek̄āna n̄inde ikeno ndia, a? Nāna aporo n̄gua mao kanāo; mūnga, lâ zo n̄inde nāna amo kumi, ande miki ilomi n̄alae ndo tu kavila nāna. Mine kala, ambo miki ma kakura tu kapasiki matami piti kalua nāna n̄ana ivilana k̄a, ande miki ma kaveta mine n̄a. ¹⁶ Mana mana, a? Nāna uru atula n̄gua mao n̄a pami, aku n̄ana duvi n̄inde k̄a miki katu nāna nde nemi kaz̄āna tam̄ata, a?

¹⁷ Miki kalon̄o n̄ga. Tam̄ata pinde uru sikai wur̄ata kaika n̄ana siporo n̄gua kāna mona-mona pami n̄ana sisowe ilomi kalomi k̄a. Taitu kinzi ilonzi tu sivila miki, ande tia ndo. Ilonzi tu miki ma kapu mulimi pa nāna, aku kapono muli pa nenzi n̄gua. ¹⁸ Ambo tam̄ata ton̄ge itu ivila miki sondo, aku n̄ana duvi n̄inde k̄a ikai wur̄ata n̄ana isowe ilomi kalomi k̄a, ande n̄inde ara. Mao n̄a, ambo nāna amo kuku miki tâku amo malawae n̄anami tâ, ande vet̄āna kie mine nde ara ndo.

¹⁹ Nāna natun̄gu wukale, nāna ilon̄gu malia ndo n̄anami kilo, itogo taine ilo malia lâ pagugun̄a ne zo. Nāna ma amo mine lee, ikura lâ zo ndia nemi kalo-tawana ma ilâ sondo ndo pa Kirisi. ²⁰ Nāna ilon̄gu n̄alae tu am̄a amo kumi. Ambo nāna ma amo kumi, ande nāna ma aporo

ngua mwasa nâ pami. Oyae, naña kalonġu loko ñanami!

Hagar kuku Sara rua parinanzi

²¹ Miki tamâta pinde ilomi tu kamo Mose ne ngua tukuña kalo. Ayo, miki tamâta ñinde kalonġo nanenġu ngua ñine sondo nġa. Tiambo miki kazizâla tâ ñana ngua tukuña ne duvi, a?

²² Maro Kindeni kawa ngua ikeno lâ pepa tini mine tu Abraham ipulianzi natu tamâne rua sipânġa. I kaiwa tonġe, i ña mine Hagar, ande imo Abraham ne wurâta taine kaa nâ. Hagar ipagugua natu tamâne tonġe ipânġa, i ña mine Ismael. Anġa Abraham kaiwa mao, i ña mine Sara, ande i ñandai taine ñana iveta wurâta koa tia nâ. Sara kala ipagugua natu tamâne tonġe ipânġa, i ña mine Isaka. ²³ Wurâta taine kaa nâ ñinde natu nde ipânġa lâ vetâña kie taituni itogo kinda tamâta uru tapulianzi natunda mine. Anġa Abraham kaiwa mao ñinde natu nde ipânġa lâ vetâña kie tonġe; Maro Kindeni munġani ipa ngua kuku Abraham tu natu ñinde ma ipânġa, kala ngua pâña ñinde ipânġa kanaanġo.

²⁴ Kala ñine naña ma atambira ngua lâ taine rua ñinde tininzi. Kinzi rua nde sitogo ngua pâña rua. Hagar nde itogo ngua pâña sinġa ñinde Mose ikai lâ Sinai tuu kulu, aku i natu wukale simo Mose ne ngua tukuña kalo.

²⁵ Hagar nde itogo Sinai Tuu, tuu ñinde imandi lâ Arebia tâno. Aku mine nâ, lâ zo ñine, ande Hagar itogo Jerusalem lawea tona, ñana tu Mose ne tukuña uru ikai poe kaika panzi tamâta

simo Jerusalem lawea n̄inde tona. ²⁶ Andeta Jerusalem lawea mao nde Maro Kindeni ne lawea ikeno âta n̄inde, aku kelekele tonge n̄ana ikai poe kaika panzi tamâta simo lawea n̄inde, ande tia. Lawea n̄inde nde itogo kinda tinânda mwasina. ²⁷ Maro Kindeni kawa n̄gua ikeno lâ pepa tini mine tu,

“Noko taine niŋga, noko kundeka! Noko taine niŋga n̄ai, nokoni n̄andai kusama pagugun̄a ne n̄ana, ande noko kusun̄a kawa kâki tava ndekâŋa n̄a! N̄ana tu muŋga noko kaiwa tamâne ipileno ku ilâ lâ, andeta noko ma kupaguguanzi natu rârâ, aku kambwan̄enzi ma ipole taine n̄inde natu kambwan̄enzi, ina kala kaiwa tamâne imo kuku yo.”

²⁸ Niŋgu-nambwe wukale, miki kamo katogo Isaka mine, n̄ana tu Maro Kindeni muŋga ipa n̄gua tu miki ma kamo i natu wukale. ²⁹ Muŋga, ande Abraham natu Ismael, ina kala ipân̄ga itogo natunda uru sipân̄ga mine, ande ikai kazâŋa papa Abraham natu Isaka, ina kala Koroani Sapân̄a ne walo iveta ipân̄ga lâ. Aku lâ zo n̄ine, ande kinda kala tamora vetân̄a mine n̄a. ³⁰ Miki kalomi n̄gere sondo n̄ana Maro Kindeni kawa n̄gua ikeno lâ pepa tini. Muŋga, n̄gua imâ pa Abraham mine tu, “Kusoki wurâta taine kaa n̄a n̄inde tava i natu silâ. Wurâta taine natu ikura n̄ana ikai tama ne kelekele pinde, itogo i kaiwa mao n̄inde natu ma muli ikai, ande tia.” ³¹ Mine nde niŋgu-nambwe wukale, kinda tasama tu kinda n̄andai tatogonzi wurâta taine

kaa nâ ñinde natu wukale nga. Kinda tatogonzi Abraham kaiwa mao ñinde natu wukale.

5

Kinda ma tamo piti ndo ñana ñgua tukuña ne nimbu

¹ Kirisi ilo tu kinda ma tamo tininda soo nâ. Mine kala ipalalana ñgua tukuña ne nimbu piti lâ tininda marumbu lâ. Ayo, miki kamandi kaika, aku kapu mulimi panzi tamâta ea ilonzi tu Mose ne ñgua tukuña ma ikai poe kaika pami kilo!

² Miki kalonjo sondo nga. Naña Paulo warakângu apaimi tu ambo miki ilomi tu karaeveña ne mâsi ma ivetami kapânga tamâta sondo lâ Maro Kindeni nao, aku ñana duvi ñinde kâ miki ma kasâu panzi Juda tamâta tu ma sive karaemi, ande Kirisi ne mateña ma ikura ñana ivilami tia ku tia ndo. ³ Naña aporo ñgua kaika pami kilo mine; tamâta ea isâu panzi Juda tamâta tu ma sive i karae, ande tamâta ñinde imo ñgua tukuña ndoni kalo. ⁴ Miki tamâta ea uru kapaveta kuku Mose ne tukuña, aku ñana nemi vetâña ñinde kâ miki katu ma kapânga tamâta sondo lâ Maro Kindeni nao, ande miki tamâta ñinde kapatâpa warakami piti ndo lâ ñana Kirisi kâ, kala kapu mulimi pa Maro Kindeni ne wisi-wisi marumbu lâ. ⁵ Annga maka kaloma tawana Kirisi, aku Koroani Sapâña uru isukama ñana kao tinima ñana zo muli kâ, lâ zo ñinde Maro Kindeni ma iporo tu maka kamo iloma mbâra-mbâra lâ i nao. ⁶ Tamâta ea kinzi sipaipa kuku Yesu Kirisi lâ, kinzi ñinde sisama

mine; lâ Maro Kindeni nao, ambo tamâta tonje ikai karae-veŋa ne mâsi lâ tini tâku tia tâku, ande nŋinde nde kelekele kaa nâ. Taitu kalonjo ŋga; ambo tamâta tonje kalo tawana Kirisi, aku ne kalo-tawana nŋinde igagati i ŋana tini mwasa ndo panzi i tini pinde, ande vetâŋa taituni nŋinde nde vetâŋa mao.

⁷ Munja miki uru kao nemi kalo-tawana ilâ sondo ndo pa Kirisi. Anja tamâta ea ipono nzalami, kala kapu mulimi pa Maro Kindeni ne ŋgua mao kâ, a? ⁸ Vetâŋa mine nŋandai iyoka pa Maro Kindeni imâ ŋga, ŋana tu Maro Kindeni uru isarâwa pami tu kalâ kamo kuku i. ⁹ Miki kalomi nŋgere sondo ŋga. “Yisi tini mwata ikura ŋana ipundia puroŋa ndoni.” * ¹⁰ Andeta Maro Njalae ipu tini kaika pa naŋa, kala kalonju tawana tu miki ma koka mulinju, aku ma kapu mulimi pa karae-veŋa ne mâsi. Tamâta ea itu iyaula ilomi kalomi ŋana kelekele nŋinde kâ, ande naŋa asama tia. Taitu naŋa asama tu Maro Kindeni ma ipare nia pa tamâta nŋinde. ¹¹ Ningu-nambwe wukale, tamâta pinde silâŋe ku siporo tu naŋa uru atu ŋgua kaika panzi tamâta ŋana ma sikai karae-veŋa ne mâsi lâ tininzi. Andeta kalonjo ŋga; ambo naŋa ma aporo ŋgua kaŋa mine, ande kinzi Juda tamâta ma sikai kazâŋa pa naŋa tia. Ambo naŋa ma asâu ŋana karae-veŋa ne mâsi kâ, ande kinzi Juda tamâta ma wisinzi nâna kilo ŋana ŋgua ŋana Yesu ne mateŋa lâ kâi popole tini kâ, ande ma tia. Andeta naŋa

* **5:9** 9 Ngua siâŋa nŋine nde duvi mine; tamâta taitu nâ ne vetâŋa soki ikura ŋana iyaula tamâta rârà ilonzi kalonzi.

ņandai asâu ņana mâsi ņinde ņga. ¹² Kinzi tamâta ņinde uru sizavaru ilomi kalomi. Mine nde ikeno pa kinzi warakanzi; ambo situ sipaive warakanzi karaenzi, ande ara ņana ma sipaive karaenzi ndoni!

¹³ Ninggu-nambwe wukale, miki kalonjo ņga. Maro Kindeni muņgani ipateami ņana ma kamo piti ndo ņana ņgua tukuņa ne nimbu kâ. Taitu miki ma ilomi mine tu, “Ara, mine nde maka ma kapaveta kuku ilo-kalo siņa ne vetâņa kilo”, mine ndimo. Ara ņana miki taitu-taitu ma kao ilomi ndo ilâ panzi kalo-tawana tamâta, aku kaveta vetâņa ara nâ panzi ņana isukanzi kâ. ¹⁴ ņgua tukuņa taituni nâ inzuku Mose ne ņgua tukuņa rârâni. ņgua tukuņa ņinde nde mine; “Noko ma tini mwasa panzi tini pinde, itogo noko tini mwasa pa tamwata mine”. ¹⁵ Miki kapakatona sondo ņga! Miki uru kapambita wa kakai kazâņa potomule lâ warakami ņginimi, itogo ņgoa ņgoi uru siveta mine. Ambo miki ma kapile mâsi ņinde tia, ande ma kapayaula warakami ndo lâ.

Koroani Sapâņa ne vetâņa, anģa ilo-kalo siņa ne vetâņa

¹⁶ Naņa apaimi tu ambo miki ma kapaveta kuku vetâņa ndia Koroani Sapâņa itula pami ikura zo zo, ande miki ma kakura ņana kapaveta kuku ilo-kalo siņa ne vetâņa potomule, ande tia.

¹⁷ Kinda tasama tu ilo-kalo siņa uru ikai kazâņa pa Koroani Sapâņa, aku Koroani Sapâņa kala uru ikai kazâņa pa ilo-kalo siņa mine nâ. Kinzi rua uru sipara ku simo nâ. Mine

kala vetâña ndia miki ilomi patea tu kaveta, ande miki kakura ñana kaveta vetâña ñinde, ande tia. ¹⁸ Andeta kalonjo ñga; ambo Koroani Sapâña uru ikai poe pami, ande ñgua tukuña ne wurâta ikeno ñana ikai poe pami, ande tia. ¹⁹ Miki kasama lâ ñana ilo-kalo sinja ne vetâña kâ. Ilo-kalo ñinde uru igagatinzi tamâta ñana siveta vetâña potomule kie-kie mine; vetâña ñana sipalulua tininzi potomule kâ, anja vetâña sakamao kie-kie, ²⁰ anja vetâña ñana sipaneanzi maro lanjeña kâ, anja vetâña ñana siveta nzâmbe sakamao kie-kie kâ, anja vetâña ñana sikai kazâña panzi tininzi pinde kâ, anja vetâña ñana sipawa ñgua kâ, anja vetâña ñana sipadâda kâ, anja vetâña ñana wisinzi nâna kâ, anja vetâña ñana sipasuka warakanzi tininzi kâ, anja vetâña ñana sipwa pwapwataki kâ, ²¹ anja vetâña ñana ilonzi yosi kâ, anja vetâña ñana sinu lââ kaika ku sidauda kâ, anja vetâña ñana sitara kawanzi pakâe-pakâe potomule kâ, anja vetâña kie-kie mine. Munja naña aporo ñgua pami, kala ñine aporo ñgua kaña ñainani kilo; tamâta ea kinzi uru siveta vetâña kie mine, ande kinzi tamâta ñinde ma sikura tu simo Maro Kindeni ne ñgumbi ilo, ande tia.

²² Taitu Koroani Sapâña uru iveta ilo-kalo ara tava vetâña ara ipânja lâ ilonda kalonda. Ñinde itogo Koroani Sapâña ipula kanaño ipânja lâ kinda nenda via mwasina. Vetâña arara ñinde, ande mine; vetâña ñana tininda mwasa ndo panzi tininda pinde kâ, anja vetâña ñana ndekâña kâ, anja vetâña ñana wisinda pisi

kâ, anġa vetâġa ŋana wisinda nâna walele tia kâ, anġa vetâġa ŋana kalonda sukâġa ŋananzi tamâta kâ, anġa vetâġa ŋana taveta kenda ara panzi tamâta kâ, anġa vetâġa ŋana taveta ikura nenda ŋgua pâġa mine kâ, ²³ anġa vetâġa ŋana tamo mwasa nâ kunzi tamâta kâ, anġa vetâġa ŋana tapu mulinda pa vetâġa potomule kie-kie kâ. Ŋgua tukunġa tonġe indi kaika ŋana vetâġa kie mine, ande tia. ²⁴ Tamâta ea kinzi kalonzi tawana Yesu Kirisi, kinzi ŋinde rârâni sipile ilo-kalo sinġa ŋinde marumbu lâ. Ŋinde itogo kinzi sipu ilo-kalo sinġa ŋinde lâ kâi popole tini imâte lâ. ²⁵ Koroani Sapâġa via mao ilua kinda lâ. Mine nde ara ŋana kinda ma taponu muli pa vetâġa ndia Koroani Sapâġa ipatea pa kinda. ²⁶ Kinda ma tapasuka warakânda tininda ndimo. Aku kinda ma taveta vetâġa pinde panzi nindanambwe kalo-tawana tamâta ŋana iveta wisinzi nâna kâ, mine ndimo. Aku kinda ma tapadâda ndimo.

6

Kinda ma taveta vetâġa ara nâ panzi tamâta

¹ Andeta niġġu-nambwe wukale, miki kaloġo ŋġa; ambo miki kasama tu nawalami kalotawana tamâta tonġe iveta kiesaka, ande ara ŋana miki tamâta ea Koroani Sapâġa uru ikai poe pami ŋinde ma naomi mwasa nâ kavila tamâta ŋinde ŋana katu ne vetâġa sakamao ŋinde sondu kâ. Taitu miki warakami taitutaitu ma kapakatona sondu ndo. Tia ma Sadana ikai samâġa pami, aku miki kala ma kaveta

kiesaka tona. ² Ara nana miki ma kavilanzi nimi-nambwe kalo-tawana tamâta nana sikale nenzi malia kâ. Ambo miki ma kaveta mine, ande nemi vetâna ninde ma iyoke Kirisi ne tukuña. ³ Ambo tamâta kaa tonje ipasuka tamwata tini, ande tamâta ninde ipalânje nâ. ⁴ Ara nana kinda taitu-taitu ma talea sondu pa warakânda nenda vetâna. Ambo tamâta tonje ne vetâna nde ara, ande i ma ikura tu indeka nana i tamwata nâ ne vetâna. Andeta wurâta ikeno pa kinda nana talea pa tamâta tonje ne vetâna, ande tia, ⁵ nana tu wurâta ikeno pa kinda rârâni taitu-taitu nana tapakatona warakânda nenda vetâna.

⁶ Ambo tamâta tonje uru ipanananzi ngu pinde nana Maro Kindeni kawa ngua, ande ngu ninde ma sivila nenzi pananâna ninde, aku ma kelekele ara pinde silua.

⁷ Miki ma kapalânje warakami ndimo. Tamâta tonje ikura nana ikai lanjeña pa Maro Kindeni tia ndo. Kaniña vâsa ndia noko kupau lâ tâno ilo, ande tâno ninde ma ipulia kaniña ndainani nâ. ⁸ Aku mine nâ, tamâta ea kinzi uru tininzi mwasa pa ilo-kalo sinja kala soka muli, ande ninde itogo kinzi sipau vetâna kiesaka lâ ilonzi kalonzi, aku muli nga vetâna ninde ma io kanaño sakamao, aku kinzi tamâta ninde ma sipayaula ndo. Anja tamâta ea kinzi uru tininzi mwasa pa vetâna ara ndia Koroani Sapâna ilo papa, ande ninde itogo Koroani Sapâna io kanaño ara ndo lâ ilonzi kalonzi. Kanaño ara ninde nde via mao, nana ma simo vianzi mine ku simo nâ. ⁹ Mine kala kinda ma takai wulitia nana taveta vetâna ara kâ ndimo. Ambo kinda

ma tamandi kaika ŋana taveta vetâŋa ara kâ, ande muli, lâ zo ndia Maro Kindeni ipatea lâ, ande kinda ma takai vetâŋa ara ŋinde ne kulu, itogo takai kâpwa lâ tâno ilo mine.

¹⁰ Mine kala lâ zo ndia kinda takura tu taveta vetâŋa ara pinde panzi tininda pinde, ande ara ŋana ma taveta mine nâ. Ambo kinda ma taveta vetâŋa ara mine panzi ninda-nambwe kalo-tawana tamâta, ande ŋinde ma ara ndo.

Paulo indeka ŋana Kirisi ne mateŋa lâ kâi popole tini

¹¹ Kala ŋine naŋa Paulo warakâŋgu mbaungu angere ŋua ŋaina lâ pepa tini imâ pami. Aku miki kamora nanenŋu ŋgereŋa mâsi ŋine ipâŋga ŋalae.

¹² Miki kaloŋo ŋa. Kalo-tawana tamâta laŋeŋa pinde ilonzi tu ma simo tamâta ara ndo lâ Juda tamâta ŋalaŋala naonzi. Mine kala kinzi uru siporo ŋua kaika pami tu miki ma kakai karae-veŋa ne mâsi lâ tinimi. Kinzi nenzi vetâŋa ŋinde ne duvi nde mine; ambo kinzi ma situla ŋua tu, “Yesu ne mateŋa lâ kâi popole tini iveta kinda tapâŋga tamâta sondo lâ Maro Kindeni nao”, ande kinzi Juda tamâta ŋalaŋala ma sikai kazâŋa panzi. Aku tininzi pwâka tu kazâŋa mine ma ipâŋga panzi. ¹³ Kinzi kalo-tawana tamâta laŋeŋa ŋinde warakanzi ŋandai sipaveta sondo kuku Juda nenzi ŋua tukuŋa ŋa, andeta ilonzi tu miki ma kakai karae-veŋa ne mâsi lâ tinimi. Ambo miki ma kaveta mine, ande kinzi ma sikura ŋana sipasuka warakanzi tininzi.

¹⁴ Anja naña ma apandekâna warakângu, ande tia, aku ma apanea tamâta tonje wa vetâña tonje, ande tia ndo. Naña ma andekana ku apanea nenda Maro Yesu Kirisi simbo nâ ñana i ne mateña lâ kâi popole tini. Naña kalongu tawana i, aku ñana duvi ñinde kâ apu mulingu pa tâno ñine ne ilo-kalo wa vetâña marumbu lâ, aku tâno ñine ne kelekele ikura tu ilele ilongu kalongu kilo, ande tia. ¹⁵ Ambo tamâta tonje ma ikai karae-veña ne mâsi lâ tini tâku tia tâku, ande ñine nde kelekele kaa nâ. Taitu miki kalonjo nga; ambo Maro Kindeni ma ilele tamâta tonje ilo kalo, kala ipângga itogo tamâta wasaseki ndo, ande vetâña mine nâ nde kelekele mao.

¹⁶ Maro Kindeni ne kalo-sukâña tava ne wisi-pisi imo kunzi tamâta ea sipono muli pa nanenggu ñgua ñine. Kinzi tamâta ñinde nde simo Maro Kindeni ne ngu mao.

¹⁷ Naña tiningu pwâka ndo tu tamâta tonje ma malia ilua naña kilo. Tamâta pinde munja sikai kazâña pa naña, ande kala nzimba nia kie-kie nde ikeno tiningu. Aku nzimba nia ñinde itula pwataki tu naña amo Yesu ne wurâta tamâta mao.

¹⁸ Ningu-nambwe wukale, nenda Maro Njalae Yesu Kirisi ne wisi-wisi imo kuku miki rârâni. Mao.

MARO KINDENI KAWA NGUA
The New Testament and Psalms in the Sio Language
of Papua New Guinea
Nupela Testamen long tokples Sio long Niugini

Copyright © 1995 Wycliffe Bible Translators

Language: Sio

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-09

PDF generated using Haiola and XeLaTeX on 4 Mar 2023 from source files dated 22 Nov 2019

b3b81168-89df-5bc3-8b0c-cf72ef93d3de